



Dagiti Panangladawan manipud iti Getty Images

KASANO KASANO A MATULONGANNAKA (KEN TULONGANNAKANTO) TI ESPIRITU NGA AGMINISTER

Ti naituding nga aramiden ti priesthood nga agminister, a naited nga agpada kadagiti lallaki ken babbai, iramanna ti kalintegan nga umawat ti paltiing.

Ti awag nga agminister ken agserbi ken uray pay ti panagayat a kas iti inaramid ti Mangisalakan ket mabalin a no dadduma kasla maysa a karit—nangruna no pakainaigan ti panangtulong kadagiti mabalin a saantayo unay nga am-ammo. Ti kaadda iti minilion a wagas nga agminister, pagsiddaawantayo no kasano

a maammuantayo dagiti kasayaatan a wagas a pakatulongan kadagiti naidutok kadatayo nga aywanan.

Saantayo a koma a masdaaw iti napaut gapu ta ti napasnek a panangikagumaantayo ket mabalin a tarabayennatayo ti Espiritu Santo.

“Ti sagrado a naituding nga aramidem iti ministering ket mangted kenka ti nadosan a kalintegan iti inspirasion,” kinuna ni Sister Bonnie H. Cordon, Sapasap a Presidente ti Young Women. “Mabalinmo a sapulen ti inspirasion nga addaan iti panagtalek.”¹

No ikagumaantayo nga agserbi a kas iti inaramid ti Mangisalakan, matarabaynatayo ti isu met laeng nga Espiritu a nangtarabay Kenkuana. Nangnangruna a pudno daytoy no agserbitayo kadagiti naituding nga aramiden, kas iti ministering, a naaramid babaen iti turay dagiti tulbek ti priesthood ti bishop. Adtoy ti innem a singasing para iti ministering babaen ti Espiritu.

Kasano a Magun-odko ti Espiritu No Agministeringak?

- **Agkiddaw iti Pannarabay.** Kayat ti Nailangitan nga Ama a makisaritatayo Kenkuana babaen iti panagkararag. Ti kararag saan laeng a mamalubos kadatayo a suminged Kenkuana, ngem patalgedanna pay met dagiti “bendision a sitatallugoden nga ited ti Dios ngem agpannuray daytoy iti kondision no intay kiddawen ida.”² “No agkararagtayo ket agkalikagum a maawatan dagiti pusoda,” kuna ni Sister Cordon, “Paneknekak nga iturongnatayo ti Nailangitan nga Ama ken kuyogennatayo ti Espirituna.”³
- **Saan nga Aguray iti Parikna.** Agbalin managsakbay. Nasken a “siaanep a makiraman” (Doktrina ken Katulagan 58:27), ket makitayo a maiwanwan ken mapadur-as dagiti panagkagumaanyo. “Maysa a napateg a wagas ti panagtultuloytayo iti panagserbi ken panagtrabahotayo tapno maikaritato para iti paltiing,” kinuna ni Presidente Dallin H. Oaks, Umuna a Mammagbaga iti Umuna a Pangulu. “Iti panagadalko kadagiti nasantuan a kasuratan nakitak a ti kaaduan a paltiing para kadagiti annak ti Dios ket sumangbay no madamada a maitigtignay, saan a no nakatugaw laeng nga agur-uray iti Apo nga ibagana kadakuada ti umuna nga addang nga aramidenda.”⁴

Kasano a Mabigbigko dagiti Parikna nga Agminister?

- **Aramaten ti Balakad ni Mormon.** Nasken a saantayo nga agay-ayuyang a masikuran no ti maysa a napanunot ket maysa a parikna wenno saan. Saan a no adda kadatayo ti tulbek ni Mormon iti nalaka a pannakaammo: No adda ti kapanunotam nga agparikna kenka nga agaramid iti nasayaat ken mamati

wenno mangtulong kadagiti dadduma a mamati ken ni Cristo, maammuam a daytoy ket naggapu iti Dios (kitaen iti Moroni 7:16).

- **Saan a Madanagan maipapan iti Daytoy.** “Tuma-puak lattan iti paglangoyan ket aglangoy,” kinuna ni Elder Jeffrey R. Holland ti Korum dagiti Sangapulo-ket-dua nga Apostol. “Agturong kadagiti agkasapulan. Saanka nga siiintek nga agsidsiddaaw no aramidem ti backstroke wenno dog paddle. No surotentayo dagiti kangrunaan a pagbatayan a naisuron, a maitunos kadagiti tulbek ti priesthood, ken kalikaguman a manggun-od iti Espiritu Santo a mangtarabay kadatayo, saantayo a mapaay.”⁵

Ania ti Kasayaatan a Wagas a Mangsuot iti Parikna?

- **Madagdagus.** Ni Sister Susan Bednar (asawa ni Elder David A. Bednar ti Korum dagiti Sangapulo-ket-dua nga Apostol) ket maysa a naindaklan a pagwadan iti panagsuot kadagiti parikna. Kalpasan ti panagkararag “tapno makita ti naespirituan a mata dagidiay addaan iti panagkasapulan,” kitaenna ti aglawlaw iti kongregasion ket masansan a “mariknana ti naespirituan a sagid a sumarungkar wenno agtawag ti telepono iti maysa a naipangruna a tao,” imbinglay ni Elder Bednar. “Ket no makaawat ni Sister Bednar iti kasta nga impresion, sumungbat a dagus ken agtungpal. Masansan daytoy a kasasaad apaman a naibaga ti ‘amen’ iti pangserra a kararag, makisarita isuna iti maysa nga agtutubo wenno mangarakup ti maysa a kabsat a babai wenno, into no nakaawid, dagus nga alaenna ti telepono ket agtawag.”⁶
- **Natured.** Ti panagbuteng a mapagkedkedan, ken rikna a managbabain, addaan ti pagkurangan, saan a kinakumbiniente ket manglapped kadatayo iti panagsuot ti parikna nga agminister. Kadagiti nadumaduma kadagiti panawen a tiempo ken wagas, mariknatayo amin ti kinaaddaan ti pagkurangan, kinaawan ti di kasiguraduan o, nalabit a di pannakaikari ket saan a maikari,” kinuna ni Elder Gerrit W. Gong ti Korum dagiti Sangapulo-ket-dua nga Apostol. “Ngem dagiti napudno a panangikagumaantayo nga ayaten ti Dios ken agminister kadagiti kaarrubatayo, mabalin a mariknatayo ti ayat ti Dios ket ti kasapulantayo a pammaregta para kadakuada ken kadagiti biagtayo iti baro ken nasansantuan a wagas.”⁷

Imbinglay ti maysa a kabsat a lalaki no kasano isuna a nagkedked a mangtulong iti asawa ti maysa a babai a nagpanggep nga agpakamatay. Ngem idi agangay inawisna ti asawana a lalaki a mangaldaw. “Idi imbagak, ‘Nagpanggep ti asawam nga agpakamatay. Mabalina a nadagsen para kenka dayta. Kayatmo a pagsaritaanta maipapan iti daytoy?’ uray la nakasangit isuna,” imbinglayna. “Naaddaankami iti napintas ken nasinged a panagsarsarita ken napadur-as ti nakaskasdaaw a sinninged ken panagtalek iti uneg ti sumagmamano laeng a minuto.”⁸

TI PAGWADAN TI MANGISALAKAN

Naisagana ti Mangisalakan para iti panagministrana. “Pinulotan ti Dios ni Jesus a taga-Nazaret iti Espiritu Santo,” ket kalpasanna ni Cristo ket “napan a nagar-aramid iti kinaimbag” (Dagiti Aramid 10:38). Isu ket “napno iti Espiritu Santo” ken kanayon nga “inturong ti Espiritu” (Lucas 4:1). Sigurado a napan ni Cristo a nagar-aramid iti naimbag sakbay a napulotan iti Espiritu Santo, ngem ti

pannakaawat ti Espiritu Santo ket gapu iti kinaadda Kenkuana ti karbengan iti pammaregta ket maysa a napateg a paset iti panagministrana—a kas met maysa a napateg a pasettayo.

AWIS NGA AGTIGNAY

Bayat ti inaldaw a panangministeringyo, sikakarag a manggun-od ken mangsungbat kadagiti parikna ti Espiritu Santo. Laglagipen a ti Nailangitan nga Ama ket bendisionannakayto ken dagiti tao a pagministeringanyo bayat ti panangaramidyo!

DAGITI NAGADAWAN

1. Bonnie H. Cordon, “Becoming a Shepherd,” *Liahona*, Nob. 2018, 76.
2. Pangiwawan iti Nasantuan a Kasuratan, “Kararag.”
3. Bonnie H. Cordon, “Becoming a Shepherd,” 76
4. Dallin H. Oaks, “In His Own Time, in His Own Way,” *Liahona*, Ago 2013, 24.
5. Jeffrey R. Holland, “The Ministry of Reconciliation,” *Liahona*, Nob. 2018, 77.
6. David A. Bednar, “Quick to Observe,” *Liahona*, Dis. 2006, 17.
7. Gerrit W. Gong, “Our Campfire of Faith,” *Liahona*, Nob. 2018, 42.
8. Kitaen ti Bonnie H. Cordon, “Becoming a Shepherd,” 76.